

萬曆起居注

北京大學出版社

22.257

171

13

萬曆起居注



55864

FA76/34



## 出版说明

这次正式影印出版的《万历起居注》是迄今存世的最早的起居注。起居注由来已久，先秦史官的职责就是记录帝王言行，「君举必书」。汉代始有起居注名称，汉武帝时有所谓《禁中起居注》，东汉时有《明帝起居注》。北魏孝文帝太和十四年（490年）第一次设立起居令史之官，另有修起居注、监起居注等官，专门记录皇帝言行、朝政大事，起居注制度逐渐完善起来，至明清历代相沿仿效。明朝中期一度中断，但到万历时又恢复了起居注制度，今存《万历起居注》即当时记录的传抄本，也是清代以前历代仅存的较完备的起居注。

起居注是历代王朝修实录与正史的主要依据。由于起居注是皇帝近侍史官原始记录，史料不仅具有原始性，而且也更具有真实性，是一朝的大事记录。所记不仅包括皇帝言行，而且广泛记录一代政务活动、财政经济、政治制度、国典朝章、官吏任免、军事活动、历史事件、民族关系等等，记事不厌其详。然而，明清以前，正史修成，起居注、实录便付之一炬，不留一字，唯恐泄露其中秘密。明清实录幸被保留，而起居注则不免毁灭

厄运，今存《万历起居注》、《康熙起居注》等，实在是凤毛麟角。

《万历起居注》虽系旧抄本，仍为海内罕见秘笈。据千顷堂、澹生堂书目载为二十卷，今本不分卷，当作一本。这次出版的《万历起居注》是北京大学图书馆所藏明末清初抄本，民国抄本补配而成，是今本中最完整、记事最多的一个本子，其中元年的记事部分，为北大馆独家所有。今天，这部起居注第一次影印公诸于世，为明史研究又提供了大量稀见史料，这无疑是为海内外社会科学学者和广大读者盼望已久的福音。对于各学校、研究单位、公共图书馆来说，它也具有永久的保存价值。

北京大学出版社 一九八八年七月十五日

萬曆十六年正月乙酉朔

上御皇極殿百官朝賀是日賜三輔陞上尊珍饌

二十六日庚戌

上視朝畢駕輿命錦衣衛鴻臚寺查點不到文武官共八十二員各罰俸二個月

二十八日壬子文書官宋坤口傳聖諭前日出

朝看見御史朝上站的轉身吐痰這等的怎糾得人

二十九日癸丑大學士申時行等題今日恭遇

聖母仁聖懿安康靜皇太后聖旦該臣等五鼓入朝恭候皇上御門稱賀間隨該文書官李息口

傳 聖旨草場失火係是 天灾免稱賀欽此臣等  
昨見總督倉場侍郎及科道官題稱該場草束蒸育  
烟氣已設法撤移隨即止息不意積薪之下厝火復  
燃且地逼 禁城震驚不免事關積貯耗損寔多殆  
天戒之昭垂致 聖衷之警惕臣等分憂無術召  
沴有由不勝惶懼除席藁待罪外即今烟歇已息風  
氣益和當 慈闈燕喜之辰在 幾務繁勞之暇伏  
望 皇上順承 天祐少紓 聖懷臣等不勝瞻戀  
仰慰之至謹具題以 聞

十六年二月甲寅朔

三日丙辰

上御皇極殿傳制遣大學士許國祭先師孔子

五日戊午祭

太社稷遣定國公徐文璧代

十三日乙丑

上御經筵畢閣臣出至文華門文書官遽止之育  
項司禮監太監張誠持貞觀政要出謂閣臣云上  
問先生每魏徵為人好不好閣臣對魏徵事唐太宗  
能犯顏諫諍補過拾遺亦一時之賢臣也誠云上  
說魏徵先事李密後事建成成為太宗所殺又事

太宗這等忘君事讐的人不見得好閣臣云 皇上  
以人臣大義責備魏徵果是大節虧玷但其事太宗  
却能盡忠當初伊尹五就桀五就湯後來佐湯伐夏  
成了大功業就是商之元聖管仲初事公子糾齊桓  
公殺子糾管仲又事桓公以匡天下孔子遂稱其仁  
太宗初定天下延攬英賢但能忠於所事即加信用  
自古創業之君如此者甚多即如我 太祖開創之  
時元朝蓋臣未嘗不用如劉基陶安詹同輩都是元  
臣顧其人可用否耳魏徵諫太宗如十思十漸等疏  
皆是忠言謀論孔子說不以人廢言如政要所載魏  
徵之言亦可備 皇上采擇誠以閣臣言入 奏



上復命誠傳諭云唐太宗曾父弒兄家法不正也不見得好閹臣對太宗於倫理上果有虧欠閹門亦多慚德獨有納諫一節為帝王盛美所以稱為賢君皇上以家法不正責之誠為確論家法第一要緊如我太祖家法貼之聖子神孫萬世無敵真是度越千古此皇上所當謹守遵奉者若論前古帝王惟堯舜禹湯文武纔是聖人堯無可議願皇上以二帝三王為法區區唐太宗委不足言誠云上說貞觀政要不講罷我曾看禮記着以禮記進講閹臣云古稱為國以禮禮記中多有格言進講甚好但宋儒曾說人主讀經則師其意讀史則師其迹史鑑亦

不可不講記得。孝宗時曾命閣臣纂輯通鑑一部，名為通鑑纂要。此書原備經筵進講，若將通鑑纂要與禮記間講，可以知古今成敗得失，為修省鑒戒之助。又宋儒真德秀有大學衍義一書。世宗嘗命儒臣進講，候尚書講完再講大學衍義，則經史格言皆在其中。謹請聖裁，誠入。奏。上復命誠傳諭云：臣之事君，猶子事父。父不幸有難，為人子的豈得背父而逃？為臣的志君事讐，大節壞了。縱有善言，亦是虛飾。何足采擇。魏徵不是好人，政要不必講。今後只講禮記。是日誠傳上命往復再三。侍班講讀等官候宴良久。聞上留意經史評論古今，莫不歎服稱。

慶云閣臣退而具題今日恭遇 經筵講畢該司禮  
監太監張誠將下貞觀政要一本傳奉 聖諭評論  
唐太宗多有慚德及唐臣魏徵大節有虧該臣等回  
奏復奉 聖諭以後講禮記停止貞觀政要欽此仰  
惟 皇上天縱聰明 日新學問其于剖析義理權  
衡又物是非賢否卓有定評是非臣等愚昧所及臣  
等竊聞之論人于三代之上不可不嚴論人于三代  
之下不得不恕如唐太宗開基創業身致太平史稱  
其平隋之亂比跡湯武致治之美庶幾成康猶可稱  
者納諫如流改過不吝亦三代以下之賢君也至於  
脇父殺兄閔閼慙慙如 聖諭所評則深中太宗之

失視古帝王誠有愧矣魏徵事有為之主當不諱之  
朝知無不言言無不盡王珪稱其耻君不及堯舜以  
諫諍為己任其十思十漸之疏後世皆以為諫言亦  
三代以下之直臣也至于失身隱太子忘君事仇如  
聖諭所嘗則切當魏徵之罪其于人臣大節信有  
虧矣故君必如堯舜禹湯文武而後為聖君臣必如  
皋夔契伊傅周召而後為純臣臣等至愚極陋不敢  
希望古人之萬一至于惓惓效忠之心惟願皇上  
以二帝三王為必可師唐虞三代之治為必可復日  
慎一日新而又新宗社臣民不勝幸甚今日講  
所諸書如孟子稱述唐虞三代之德尚書講戴唐虞

三代之事除照常進講外至於禮記雖多漢儒之附  
會寔本聖經之微言臣等謹遵奉 聖諭以後分派  
進講臣等抑又聞先儒有言人主讀經則師其意讀  
史則師其迹蓋史書所載乃古今治亂興亡之跡善  
可為法惡可為戒皆在其中弘治間 孝宗命閣臣  
纂集通鑑以備進講名曰通鑑纂要其刻見在 內  
府 世宗朝於月講之外仍講大學衍義兼載經史  
子德治道甚顯裨益臣等之愚猶望 皇上將此二  
書相兼進講合無將禮記與通鑑纂要間日下講或  
候尚書完日將纂要衍義接續進講臣等俱未敢擅  
便伏候 聖明裁定臣等遵奉施行謹具題以聞

次日諭時行等曰朕昨覽卿等奏朕論太宗魏  
微之失有中彼過朕又思人之得失善惡無如五倫  
之重五倫失一復可得而為人乎又何取小節而掩  
大義飾惡而圖善正所謂失大取小終不可掩人耳  
目朕又思九經亦聖賢所作其可不知若大學衍義  
一書全明修齊治平之道至於鑑書內善惡得失之  
事有若明鏡而照妍媸書經乃為君之至要豈可一  
日不溫習哉朕於三書朝夕常看今可先將禮記代  
貞觀政要四鑑書經完日接續而講時行等因具言竊  
惟綱常倫理乃自古帝王所以立國臣子所以立身  
不可一日而不明者綱常廢墜則國事日非倫理虧

缺則他美莫贖伏承 聖訓昭然若揭日月而垂星  
辰將來書之史冊播之寰區可與成周之洪範 宣  
廟之全書後先並耀臣等不勝仰服至于大學衍義  
備修齊治平之方通鑑一書載善惡得失之事 皇  
上特與尚書時常 省覽猶見 聖志之高明 聖  
功之勤敏臣等猶不勝忻慰今將禮記撰寫講章次  
第進講其鑑書謹遵 聖諭候尚書完日接講施行  
所有 聖諭一道謹遵藏閣中以彰 皇上典學博  
倫之美謹具題以 聞

十四日丁卯

上御文華殿講讀

是日大學士申時行等題據日

講官左庶子劉虞夔稱今日恭遇 皇上臨御講筵  
該職輪講緣新換禮記演習未熟以致臨期倉惶字  
句斷續合當待罪據此隨該文書李浚口傳 聖諭  
以後講書官要溫習熟些欽此仰惟 皇上緝熙聖  
學 日御講惟臣等方切忻慰各講官亦莫不踊躍  
思奮敬畏自持劉虞夔平日素稱小心臨時偶爾失  
措幸蒙 皇上俯從寬宥不加譴責不惟諸臣感  
恩圖報即臣等仰見 聖度之宏亦莫不共失捐糜  
以期稱塞謹遵 明諭傳示諸臣今後務加功溫習  
用心講讀外臣等不勝仰戴之至謹具題以 聞

十九日壬申大學士申時行等題今日該文書官



李浚口傳 聖諭連日動火聲音不清免朝講幾日  
欽此先該臣等恭覲 皇上于文華殿 召醫診脉  
犬馬下情不勝瞻戀後侍 日講仰見 天顏和粹  
聖體康寧即不勝欣躍乃今日復承 宸諭此蓋  
春氣尚寒偶有微感火鬱在內未能宣通 伏望  
皇止加意燮調 順時珍護于凡 起居飲膳之類  
萬分致謹以臻 康豫之休 宗臣 / 社民不勝幸  
甚謹具題恭候 萬安

上十五日戊寅大學士申時行等題為恭進 聖  
祖筆以備 清覽事洪惟我 太祖高皇帝聖神首  
出文武兼資 魏乎功烈光被于寰區 煥乎文章